

per persunas d'instrucziun, mainascolas e cussegls da scola



No. 1 2021/22

Part generala

Evaluaziun da la scolaziun speziala integrativa

A partir dal mais settember 2021 evaluescha l'inspecturat da scola en collavuraziun e sut la direcziun da la Scol'auta interchantunala per pedagogia speziala (HfH) per l'emprima giada la scolaziun speziala integrativa en tut il chantun. Las visitas da scola che duran in mez di cumpiglian observaziuns da l'instrucziun e da la promoziun sco era curtas intervistas cun las scolaras ed ils scolaras, las persunas d'instrucziun, las pedagogas ed ils pedagogs curativs, cun mainascolas e terapeutas e terapeuts. Cun ils geniturs vegni fatg per regla ina intervista per telefon. Las persunas pertutgadas vegnan infurmadadas a temp detagliadamain sur da la planisaziun ed il proceder.

[Infurmaziuns](#)



Barat professional sec I "individualisaziun"

Pervia da la bunas experientschas d'atun 2020 cun il barat professional "instrucziun en il rom individualisaziun" e pervia dal grond interess tar las persunas d'instrucziun pertutgadas ed ils mainascolas, organisescha e coordinescha l'inspecturat da scola en ils singuls districts ina segunda occurrenza da barat. En il centrum stattan il barat d'experientschas dals pertutgads ed il barat en il senn da "ord la pratica - per la pratica". L'occurrenza è facultativa e sa drizza a tut las persunas d'instrucziun interessadas sec I ed a mainascolas.

Giudicament d'admissiun tenor protesta 2021

L'onn da scola 2020/21 han 17 scolaras e scolaras absolvi l'examen d'admissiun chantunal da protesta. In scolar ha gi success. L'inspecturat da scola engrazia fitg a tut las persunas d'instrucziun involvidas en la procedura d'admissiun. Grazia a lur pratica d'admissiun cumplessiva e la buna comunicaziun cun ils geniturs hai dà er quest onn fitg paucas annunzias da recurs. Dapi divers onns è la cifra d'annunzias fitg bassa.

Di da l'avegnir

Als 11 november 2021 pon mattas e mats scuvrir mastergns ed activitads nua che lur gener è sutpreschentà. Els vegnan encuraschads da considerar per lur avegnir tut il spectrum da lavur e da metter en dumonda las rollas actualas. Dapi 20 onns s'engascha il di da l'avegnir per ina tscherna da mastergn averta. Sa participai er Vus sco persuna d'instrucziun activamain al di da l'avegnir e sustegnai vossas scolaras e scolaras dad augmentar lur spectrum da tscherna da mastergn. Ideas da program, manuals ed ulteriuras infurmaziuns sa chattan sin la pagina d'internet dal di naziunal da l'avegnir.

[Di da naziunal l'avegnir](#)



4. Parlament grischun per mattas

A chaschun dal 4. Parlament per mattas dals 11 november 2021 han scolaras dal stgalim sec I la pussaivladad per in invista en la lavura parlamentara. Ellas pon prender piazza

en la sala dal Cussegl grond e sa fatschentar cun dumondas politicas, elavurar propostas e debattar. Las petiziuns elavuradas vegnan surdadas a la fin dal di al president da la regenza, Mario Cavigelli. Commembras e commembers dal Cussegl grond e dal cussegl communal da la citad da Cuira sustegnan las mattas. La participaziun è gratuita ed ils custs da viadi vegnan sorprendids. Per mangiar e baiver vegni provedì. La sesida en il plenum vegn transladata simultaneamente sin talian. La fanestra d'annunzia è averta enfin ils 8 october 2021.

[Infurmaziuns ed annunzia](#)



Swissdidac Bern Hybrid

La Swissdidac Bern è la pli impurtanta occurrenza da furmaziun en Svizra. Ella ha lieu dals 22 fin als 24 november 2021 en furma digitala. Questa furma ibrida porscha a las participantas ed als participants bleras novas pussaivladads da s'occupar cun il mund digital. Ella porscha inscutters che inspireschan sco era novitads e referats independents dal lieu e dal temp.

[Swissdidac, Berna](#)



2. Jobday online grischun

Ils 29 settember 2021 ha lieu il 2. jobday online grischun per scolaras e scolars che tschertgan ina piazza d'emprendissadi la stad 2022. Giuvnas e giuvens sco era interpresas da scolaziun regiunalas han la pussaivladad d'emprender a conuscher in l'auter cun barats da Zoom. Quests èn d'enclerger sco discurs da preschentaziun light e pon esser ina schanza per entrar en il mastergn giavischè. Plinavant datti la pussaivladad da far discurs cun la cussegliaziun grischuna da professiun, da studi e da carriera. L'annunzia duai succeder online ed è averta a partir dals 13 settember 2022 cun il link sutmenziunà.

[Ulteriuras infurmaziuns ed annunzia](#)



Copyrights – copiar fair

L'iniziativa «fair kopieren und nutzen» che è purtada da plirs partenaris explitgescha cun simplas reglas l'utilisaziun da la proprietad intellectuala. Sin la pagina d'internet vegnan explitgads ils temas copiar, arcunar e dar vinavant cuntegns d'emprender. Plinavant datti era material per acziuns da scleriment, per sensibilisar ils pertutgads en scolas sco era in feigl cun ina survista.

["Fair kopieren und nutzen"](#)



Catalog tscherna da mastergn

La cussegliaziun da professiun, da studi e da carriera (BSLB) cusseglia ed infurmescha giuvenils e creschids en tut las dumondas da mastergn, studi e carriera. Per vesair tge sustegn che la cussegliaziun porscha a las classas sec I ed a las soluziuns transitoricas è vegnì fatg in catalog da puschidas specificas. Persunas d'instrucziun e da cussegliaziun pon tscherner la puschida ideala per las

classas. Las cussegliaziuns han lieu in regla en ils centers d'infurmaziun professiunala BIZ, tenor basegn e situaziun era en scola, per telefon, e-Mail u per conferenza da video.

[Catalog tscherna da mastregn](#)



Cordials salids

Inspecturat da scola dal Grischun

Part regionala

Occurrenzas da l'inspecturat districtual

Barat professiunel individualisaziun

Il barat ha facultativ per persunas d'instrucziun sec I ha lieu ils **27 october 2021** a Tusaun e, tut tenor la cifra d'annunzias, medemamain a Cuira.

Occurrenza d'infurmaziun per cussegls da scola e mainascolas

2 november 2021 a Tusaun e ils **4 november 2021** a Cuira. Per plaschair reservar il termin. In invit personal suonda a temp.

Termins giudicament d'admissiun tenor protesta 2021

Finiziun dal 1. semester, consegna dals attestads ed
assegnaziun provisorica: 28-01-2022
Assegnaziun definitiva: 13-04-2022
Giudicament d'admissiun tenor protesta: 24/25-05-2022

Termins d'evaluaziun primavaira 2022

Scola Valragh: 31-01 – 04-02-2022
Cuira, scola Nicolai: 14-02 – 18-02-2022
Cuira, scola Giacometti: 14-03 – 18-03-2022
Scola Farschnò: 04-04 – 08-04-2022
Scola Razén: 04-04 – 08-04-2022

Nus giavischain a tuts in bun onn da scola 2020/21 e s'allegrain sin ina buna collavuraziun cun vus.

Cordials salids

*Team da l'inspecturat districtual Plessur-Grischun central
Christina Nigg (manadra), Jachen Andri Buchli, Daniela
Zanelli, Philipp Hugentobler ed Elisabeth Caluori
(secretariat)*

